

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-689-6/20

Datum: 29.04.2020.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka b) i stav 2. tačka d), a u vezi sa članom 70. stav 1., 4. i 6. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke pogonskog goriva za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

o poništenju postupka javne nabavke pogonskog goriva za motorna vozila za LOT 1 i LOT 5

I

Poništava se postupak javne nabavke pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo, i to:

- LOT 1 - sukcesivna nabavka pogonskog goriva na lokaciji općine Centar i Stari Grad
- LOT 5 – sukcesivna nabavka pogonskog goriva na lokaciji općine Ilijaš.

II

Ova odluka stupa na snagu danom donošenja donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-689/20 od 06.02.2020. godine i Obavještenja o nabavci broj: 16475-1-1-26-3-30/20 od 11.02.2020. godine, proveden je otvoreni postupak javne nabavke pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-689-5/20 od 28.04.2020. godine, kojim je utvrdila slijedeće:

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-689/20 od 24.03.2020. godine.

Zapisnički je utvrđeno da su u određenom krajnjem roku dostavljene ponude ponuđača za:

- LOT 1 sukcesivna nabavka pogonskog goriva na lokaciji općine Centar i Stari Grad – Hifa petrol d.o.o. Sarajevo i Energopetrol d.d. Sarajevo;
- LOT 5 - sukcesivna nabavka pogonskog goriva na lokaciji općine Ilijaš – BP Merol d.o.o. Sarajevo.

U cilju otklanjanja potencijalnih prijetnji za žalbe, kao i prijetnji odugovlačenja postupka i mogućnosti nekvalitetnog izvršavanja predmetne javne nabavke, u skladu sa članom 68. stav 3. Zakona o javnim nabavkama BiH („Službeni glasnik BiH“ broj: 39/14), dana 16.04.2020. godine

upućen je zahtjev broj: 02/6-11-4-689-3/20, ponuđaču Hifa petrol d.o.o. Sarajevo, kojim je zatraženo pojašnjenje priložene dokumentaciji u ponudi. Ponuđač Hifa petrol d.o.o. Sarajevo je dostavio odgovor u zakonom propisanom roku, koji je Komisija ocijenila kao nezadovoljavajući.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-689-5/20 od 28.04.2020. godine, kojim je utvrdila sljedeće:

- Da ponuda ponuđača Hifa petrol d.o.o. Sarajevo nije prihvatljiva. Naime, u LOT-u 1 navedeni ponuđač dostavio je na strani 59.-61. svoje ponude Ugovor o poslovnoj saradnji sa pravnim licem HIFA d.o.o. Tešanj. Na strani 75. u svojoj ponudi dostavljena je izjava o raspolaganju benzinskom pumpom poslovnog partnera Hifa d.o.o. Tešanj na adresi Put mladih muslimana bb, Stari Grad, odakle bi se po uslovima tenderske dokumentacije vršila isporuka. Dostavljeni OPC obrazac za BMB – 98 BAS EN 228 odnosi se na pumpu ponuđača Hifa petrol d.o.o. Sarajevo za pumpu u Vogošći (a što bi bilo u suprotnosti sa uslovima tenderske dokumentacije). Takođe, uvjerenja o kvalitetu tečnih goriva dostavljena su za ponuđača Hifa petrol d.o.o. Sarajevo, a ne sa pumpi poslovnog partnera HIFA d.o.o. Tešanj, sa čije pumpe bi se isporuka pogonskog goriva vršila. Na ovaj način nisu ispoštovani uslovi iz tačke 13.3 tenderske dokumentacije u svrhu dokazivanja tehničke i profesionalne sposobnosti. Na strani 119. ponude, za LOT 1, je izjava o podugovaranju u kojoj je navedeno da ponuđač neće podugovarati, a poslovna sardnja jeste u postupku javne nabavke podugovaranje.

- Da ponuda ponuđača Energopetrol d.d. Sarajevo nije prihvatljiva. Naime, tačkom 13.3 tenderske dokumentacije u svrhu dokazivanja tehničke i profesionalne sposobnosti ponuđač je bio dužan dostaviti u svojoj ponudi, između ostalog OPC obrazac važeći na dan objave Obavještenja o nabavci za benzinsku/e pumpu/e sa koje/ih će vršiti isporuku roba. OPC obrazac koji je dostavio ovaj ponuđač za BMB – 98 BAS EN 228, za LOT 1 – sukcesivna nabavka pogonskog goriva na lokaciji Općine Centar i Stari Grad, OPC obrazac koji je dostavio ovaj ponuđač za BMB – 98 BAS EN 228 je sa benzinske pumpe Pofalići.

U uslovima definisanim tenderskom dokumentacijom, kao i kroz odgovore putem portala na dodatna pojašnjenja tenderske dokumentacije, jasno je navedeno da se benzinska/e pumpa/e sa koje/ih će se vršiti isporuka, mora nalaziti na području općine/a na koji se nabavka robe za konkretni lot odnosi. U izjavi na strani 13. ponude ponuđač za LOT 1, je jasno naveo da posjeduje benzinsku pumpu na Zetri, odakle bi se po uslovima tenderske dokumentacije vršila isporuka, a ne sa benzinske pumpe sa Pofalića (a što bi bilo u suprotnosti sa uslovima tenderske dokumentacije).

- Da ponuda ponuđača BP Merol d.o.o. Sarajevo nije prihvatljiva. Naime, Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama i Izjava ponuđača iz člana 52. Zakona o javnim nabavkama u skladu tačkom 12. i 13.4 tenderske dokumentacije, te u skladu sa Zakonom o javnim nabavkama, nisu ovjerene od strane nadležnog organa. Tačkom 13.3 tenderske dokumentacije u svrhu dokazivanja tehničke i profesionalne sposobnosti ponuđač je bio dužan dostaviti u svojoj ponudi, između ostalog, spisak izvršenih ugovora, OPC obrazac važeći na dan objave Obavještenja o nabavci za benzinsku/e pumpu/e sa koje/ih će vršiti isporuku roba, kao i uvjerenje od nadležnog organa o usklađenosti kvaliteta tečnih goriva. Međutim, ponuđač BP Merol d.o.o. Sarajevo u svojoj ponudi nije priložio spisak izvršenih ugovora, OPC obrazac važeći na dan objave Obavještenja o nabavci za benzinsku/e pumpu/e sa koje/ih će vršiti isporuku za BMB – 98 BAS EN 228, te uvjerenje od nadležnog organa o usklađenosti kvaliteta tečnih goriva za BMB – 98 BAS EN 228.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav 1. tačka b) i stav 2. tačka d) Zakona o javnim nabavkama („Službeni glasnik BiH“, broj: 39/14) riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.



Dostaviti:

1. Sektoru za materijalno-finansijske poslove
2. Ponuđačima x3
3. Odjeljenju za odnose s javnošću, radi objave na web stranici ovog organa
4. a/a